

佛說大乘隨轉宣說諸法經卷上 晉七

明教辯才法師充譯經三藏沙門釋德華譯

如是我聞一時佛在王舍城鷲峯山中與大比丘衆千二百五十人俱諸大菩薩摩訶薩衆二十人俱其名曰莊嚴菩薩師子遊戲菩薩不動光菩薩歡喜無垢光菩薩日光焰菩薩甚深離垢菩薩蓮華相菩薩師子智菩薩

金色相菩薩梵天音菩薩師子慧王菩薩無垢金光菩薩微妙色身菩薩放光壞魔菩薩寂靜諸根菩薩陀羅尼王菩薩吉祥清淨相菩薩妙吉祥摧伏壞魔菩薩等而為上首介時師子遊戲菩薩在大衆中觀佛身色金光

晃耀心生愛樂即從座起遶佛三匝右膝著地合掌恭敬而說伽陀曰
如來真金色 相好端嚴身 於塵沙劫中 積集諸功德 福智悉圓滿 證於無上道 興運大悲心 應現娑婆界 人天八部衆 瞻仰無厭足 從於自性中 演出微妙法

甚深難可測 唯佛乃能知 衆生性昏惰 聞說不能解 如來大導師 方便能善巧 誘彼諸群迷 漸次得開悟 衆生妙明心 本來常湛寂 清淨無垢染 具足諸功德 體性如虛空 無有諸罣碍 不生亦不滅 無去亦無來 安住於法性 不動如須彌

一切悉平等 眞實不思議 衆生無始劫 貪著於諸欲 墮入苦海中 不能求出離 如來甚深法 微妙極難思 於上中下機 隨順而演說 如天一味雨 徧洒於十方 草木及叢林 根莖隨大小 而於大地中 無不蒙滋益 如來所說法 悉亦復如是

以一微妙音 演說無量義 根器有差殊 聞之各得解 故於一會中 咸皆入佛慧 是佛神通力 名爲不思議 我於往昔劫 常隨佛所化 而今此會中 亦預佛座下 如來所說法 我悉能摠持 見在及未來 願佛為宣說

尔時佛告師子游戲菩薩摩訶薩言善哉善哉善男子世間一切眾生妙明元心本來清淨無諸垢染圓滿十方湛然寂靜猶如虛空本無塵翳寂然清淨眾生眼病空華發生花生花滅病眼所見眼翳既消空華亦滅清淨虛空本來不動妙明元心亦復如是本來清

晉七

二

淨無諸垢染眾生顛倒背覺合塵於諸塵境分別心生眼見於色耳聞於聲鼻嗅諸香舌嘗於味身受諸觸意了法塵此六根識各各自偶諸塵境界於諸塵境妄想執著便生愛染造種種業業成受報隨諸苦海生死輪迴受大苦惱如旋火輪無有休息如來大慈憐

愆一切設諸方便說奢摩陀三摩鉢提禪那止觀法門令彼攝心漸漸熏修證於佛果免斯惡道善男子諸阿闍黎與諸世間一切眾生欲求菩提用真實心直行正道若心行染欲諛曲不實是行邪道希求菩提無有是處善男子若諸眾生心行善行除彼妄想無諸分

別了法空寂無空見無願見不起妄見無性見無相見無佛見無菩提見常行正見種種諸善根菩提願足如是之人身如無價珍乃至過去未來見在三世諸佛盡行此道而得菩提名為解脫斷盡疑惑無分別心清淨語業說真實法得一切智顯現自然相顯現無文

字無非文字真實相說菩提心相說布施說平等無貪故持戒說無諸染欲故忍辱說心無嗔恨故精進說無諸懈怠故禪定說安住寂靜故智慧說善能揀擇故如是各各開說奢摩陀三摩鉢提禪那門百千俱胝那度多門甚深無比傍生地獄諸有情等聞說法音

晉七

三

悉離諸惡趣了知空無相無願解脫如是恭敬供養三業清淨尊重功德得心安樂猶如平地一切聲聞緣覺菩薩摩訶薩晝夜恭敬甚深解脫最上第一世尊如是說已師子游戲菩薩摩訶薩讚歎歡喜深生領解尔時世尊而說偈言

其眷屬及世間衆生皆來親近供養恭敬尊重禮拜咸求解脫復有八千天子與其眷屬捨天快樂求詣佛所聽聞妙法而求解脫復有二千藥叉與其眷屬捨除暴惡皆發阿耨多羅三藐三菩提心復有三千大竜亦與眷屬發菩提心求詣佛所布求出離復有五百

比丘尼衆皆來親近恭敬禮拜尊重讚歎歡喜踊躍聽受教法求菩提道復有二千俱胝菩薩摩訶薩衆聞佛說法除障解脫亦時世尊告師子遊戲菩薩言善男子我昔與汝於然燈如來應供正等正覺所聞說法要修忍辱行安受苦忍無有缺犯諸惡不生具足圓

滿復聞演說六波羅密所謂布施波羅密持戒波羅密忍辱波羅密精進波羅密禪定波羅密智慧波羅密因是得聞最上妙法增長善根得不退轉由於彼時聞佛教法勤行精進證於道果獲大人相尊重佛法常當供養十方諸佛及大菩薩事善知識了法性空得

晉七

五

正念現前善男子汝又於過去無數阿僧祇劫有佛出世號須彌王如來應供正遍知行足善逝世間解無上士調御丈夫天人師佛世尊彼佛壽命無量百千俱胝那由多歲世界名曰瑠璃金光其佛國土地平如砥金銀琉璃瓊瑤瑪瑙衆寶合成而嚴飾之無諸

穢惡瓦礫荆棘善男子亦時彼佛會中有八十百千俱胝那由多比丘皆是阿羅漢一切漏盡無諸結使心得解脫復有無數百千比丘尼衆復有無數百千優婆塞衆無數百千優婆夷衆俱來會集善男子時彼世尊說法教化三乘衆生爲諸聲聞說四諦法爲諸緣

覺說十二因緣法爲諸菩薩說六波羅密法甚深微妙諸善法要令諸大衆安住法中各得解脫善男子時彼瑠璃金光世界寶地平正多諸寶樹行列道側金繩界道寶網交絡微風吹動牙相振觸出微妙音聲其聲演說諸法無常苦空無我諸妙法音所謂空聲無

相聲無願聲不生聲不滅聲無色聲無性聲
其中衆生聞是種種微妙音聲心生歡喜各
得解脫善男子汝於彼須彌王如來應供正
等正覺清淨法中而作比丘名曰勸慧愛樂
正法求佛種智無諸貪欲戒根清淨心常懷
喜讚歎大乘晝夜勤修恭敬供養有來求法

隨爲演說不生慳吝種種開說令其解脫心
無希求安住平等具足善根滿善提願善男
子時彼比丘爲求法故樂誦經典增長智慧
歸命大乘無量功德復事闍梨知識盡劫供
養曾無懈倦多諸方便安樂一切善男子彼
勸慧比丘爲利衆生捨離舊止遊諸聚落次

第循門而行乞食其中衆生清信男女有來
親近生敬重心種種供養勸慧比丘爲說法
要忍辱禪定功德難量令其信解堅固道意
彼聚落中復有一類下劣衆生見僧恐怖意
不樂見避走遠去以其過去惡業因緣譬諸
禽畜無有異也時勸慧比丘見彼惡人心生

晉七

六

慈愍不憚辛勤漸次親近開誘示導爲說法
要各各省已悔過皈命三寶善男子時勸慧
比丘舊住精舍善友知識各相謂言彼勸慧
比丘宿殖善本深達法要於其衆中而爲上
首今以何緣捨離精舍遠遊聚落極受勤苦
教化衆生而行乞食我等比丘心生憶念相

率遠去迎請歸還到於彼處遙見勸慧咸生
歡喜各各問訊起居輕利善住安隱我等今
者遠來尋訪願還舊居依時供養精妙飲食
香花燈果長時無缺唯願慈悲同歸舊止是
時勸慧比丘不受其請樂居寂靜復捨聚落
遠行前去過一蘭若屏棄諸緣寂然安住精

修苦行積集功德種智增明勸慧比丘復於
一時不樂蘭若又入深山人所不到歎羨此
境堪可安居精持結夏修習禪觀遵佛禁制
然於此中多諸走獸虎狼師子野干飛禽皆
來親近銜花獻果種種供養時彼勸慧心生
歡喜轉更精勤無諸邊轉善男子往昔世中

一類比丘於佛教法不生愛樂不修梵行不護尸羅毀謗大乘虛食信施無有慚愧遠善知識常黨惡人上品貪毒人皆避見愚癡惡作失袈裟服墮在地獄九十俱胝百千劫受大苦惱畢是罪已復受六十百十俱胝劫苦中極苦不可比喻後遇勸慧比丘種種開示

晉七

七末

進

說有如來應供正等正覺清淨教乘令生信解善男子勸慧比丘又復阿闍如來應供正等正覺於彼法中亦作比丘忻樂正法求佛智慧用真實心供養恭敬尊重佛法書寫經典作諸功德心無懈怠近善知識多諸方便發歡喜心勸化有情令皆出離時諸眾生歡

喜敬仰善男子時彼如來復為勸慧比丘說諸法要令增種智苦惱不生貪嗔不作不隨惡友墮諸惡趣防護自身無諸過咎一心供養講說正法晝夜常持清淨法寶漸次增進無有退轉善男子當介之時三千大千世界眾生前佛所說行十善業安住法中一切苦

薩行六波羅密具足功德安樂一切介時佛告師子遊戲菩薩言彼時勸慧比丘者今汝身是也

佛說大乘隨轉宣說諸法經卷上 晉七

佛說大乘隨轉宣說諸法經卷中

明教華法師充譯經三藏沙門巨紹德等奉詔譯

介時文殊師利童真菩薩白佛言世尊云何離除業障得清淨心佛告文殊師利要離惡業當學一切法了知諸法分別心生虛妄不實空智現前業障自除心得清淨復次文殊

師利一切眾生從無始劫來妄想顛倒貪嗔癡三為因造殺盜淫業無量無邊墮落諸趣輪迴生死受大苦惱無有休息業障熾盛惡魔嬈惱故心不得清淨復次文殊師利汝今欲知一切眾生離諸業障心得清淨當學如來一切法於身口意三業清淨晝夜精勤修